

欽定剿平粵匪方略

欽定勦平粵匪方略卷二百三 戊午年

九月初一日 癸酉 和春奏言八月二十一日逆匪

衝破江北大營分股圍攻江南一面盡銳東趨  
逆衆萬餘竄至六合西南距城止十里許留防  
兵勇不及三千此外皆係民團德興阿甫由小  
路抵六招集馬隊數百名紮營東面兵單賊衆  
危急萬分當飭遊擊孔朝彪管帶精銳二千剋

日渡江會同防勦仍由總兵馮子村統帶其前  
次北援兵勇五千挫衄之餘不足以資卻敵仍  
令撤回江南又江浦一邑孤懸賊中聲息不通  
存城及城外兵勇僅有二千七八百人賊已三  
面合圍孤立無援必應設法往救因飭總兵李  
若珠帶隊由江口往援該文武員弁兵勇卽於  
二十三日冒險出圍並拔出難民男婦一千三

百餘人當飭此起官兵於渡江後由石埠橋前往六合併歸堵剿至金陵賊勢連日悉率醜類分股出巢數路衝撲張國樑親督各將備等隨堵隨擊均卽敗退而二十三日一仗追北直抵雨花臺逆營斬馘尤多兵勇亦閒有傷亡臣查該逆知我分兵他往是以疊次圍撲濠牆以圖大逞幸此間南北濠牆一律寬深堅厚官兵分

屯扼守以逸待勞可無他慮惟沿江寶塔根上  
下賊已安設大礮轟擊觀音門水營壘據總兵  
陳國泰等會函告急並稱市肆旣空糧食無從  
購買師船難以久泊臣仍嚴飭該鎮等盡力堵  
禦以杜其水路下竄德興阿潰退後該大臣收  
合餘燼共有若干暨現在如何布置堵禦之處  
臣等無從知悉六合縣賊匪梟水過河三面攻

撲其勢甚張萬一稍有疏虞大局更無從收拾  
臣駐軍南岸兼顧爲難而甯國之賊又復麕聚  
鄧紹良函請官兵往救此江浙兩省一大屏蔽  
關繫尤鉅無如兵力屢分之後此時更難旁及  
想浙江撫臣胡興仁必能將甯國赴援浙江之  
師趕緊調回竭力圖維也奏入報

同日都興阿李續賓奏言皖賊麕聚太湖狡悍異常糾衆不下三萬嬰城固守加增城牆城外濬濠築壘壘外築卡又於東北路二十里之楓香鋪四十里之小池驛各築壘三座於東路五十餘里之黃泥港地方修築大壘鑄礮聚糧布置極爲嚴密臣等籌商欲攻城必先破壘七月二十八日臣都興阿派多隆阿於八里岡出隊

牽制城賊臣李續賓飭副將趙克彰等分五路  
出攻東岸卡壘臣親督湘中湘右營及親兵等  
營分五路攻城該逆先於壘中出七八千人朱  
希廣迎頭衝擊趙克彰等自山內突出橫抄賊  
遂敗潰約斃千餘名生擒五十六名其時李續  
燾等均乘勢攻毀各卡斃賊七八百名復偪攻  
大壘諸弁勇登陴數次被傷復墜未卽攻入八



月初一二等日臣都興阿飭參將石清吉等營進紮城南賊乘營壘未成卽以大隊攻撲石清吉等整隊迎擊該逆敗退追至河邊斃賊數百名臣李續賓率各營偪城之東面及西北駐紮初六日飭李續燾等攻毀楓香鋪之賊壘初九日仍飭李續燾等擊破小池驛賊壘前後約殺賊七八百名其東山頭南首該逆乘夜復修新

壘初十日臣都興阿飭石清吉等分路並進馬  
隊隨後策應臣李續賓飭黃勝日等協力進攻  
共斃賊約七百餘名將各壘平毀十二三等日  
各營壘次出隊誘賊出戰賊匿不出十五日飭  
多隆阿等將大礮密運山頭謝承祐等營由西  
北面攻城李續燾等營分攻東岸下壘臣率多  
隆阿等營先轟東山迤南賊壘該逆專防前面

不料大隊由山後抄襲紛紛墮濠我軍前後兜  
殺殆盡各營遂乘勢攻東岸浮橋開化勝勇繞  
道鳧水攻河西賊壘鏖戰逾時飛虎三營及各  
起馬隊由西南兩路上下夾攻賊遂潰敗東門  
城賊出援亦經石清吉等截擊合計殺賊三千  
餘人鮑超等復合兵攻東山頭第一大壘該逆  
四面固守我軍搬運柴薪木板堆積壘邊諸勇

奮身肩累而上盡殪壘賊無一得脫中有黃袍  
賊目十餘人僞印纍纍奪獲槍礮等件無算臣  
等知賊膽已寒急飭各營併力攻擊鮑超等進  
攻第二壘周寬世等進攻第三壘臣等復親督  
石清吉李存等分段攻城署太湖縣知縣蔡鏐  
亦率團勇隨後接應各營輪番疊攻二更時火  
箭射入城中燃燒藥局煙燄噴烈西北二面各

勇奮呼登城賊紛紛由東南兩門突圍逃竄二  
壘之賊亦拌命衝出各路集團追殺餘匪亂竄  
乘夜四山翻越各營弁勇與多隆阿等馬隊分  
途追殺五十餘里計共斃賊五六千名遂將太  
湖縣城收復十八日臣李續賓派趙克彰等進  
紮小池驛復派保慶等馬步十四營進攻黃泥  
港我軍分路猛進力撲該逆越牆逃逸約殺斃

千餘人奪獲大礮四十七尊贏馬軍械無數該  
逆尙屯集石牌及潛山縣臣等共商乘勢力擒  
節節掃蕩然後分兵下趨舒桐赴援廬州所有  
副都統多隆阿等謹先行開列擬請分別獎勵  
其餘在事出力文武員弁兵勇容查明另行奏  
獎陣亡之吉林馬甲德貴等並請

旨飭部優卹奏入

上諭內閣曰安徽太湖縣城溪山險阻逆賊踞爲要害將軍都興阿布政使李續賓分督兵勇平毀各卡進攻各壘當將太湖縣城克復仍著該將軍等督率諸軍將竄屯石牌及潛山縣賊節節掃蕩並分兵下趨舒桐赴援廬州所有尤爲出力之副都統多隆阿新授湖南綏靖鎮總兵鮑超均著交部從優議敘都司吳明亮著免補都司遊擊以參將遇缺卽補遊擊楊

朝林姜玉順均著免補遊擊以參將儘先補用參將  
朱升開著免補參將以副將儘先補用都司鄧光成  
著免補都司以遊擊留於湖北儘先補用並賞加參  
將銜守備易德榮王俊秀均著免補守備以都司儘  
先補用並賞換花翎把總何成清著免補把總以千  
總儘先補用並賞加守備銜五品花翎馬甲德貴藍  
翎披甲德貴均著從優照驍騎校例遊擊鄒祥杰著



從優照參將例都司胡鎮南著從優照遊擊例守備  
唐克舉蕭新勝張胡武李發益黃星輝李得勝雷紅  
貴均著從優照都司例千總吳延春曹光泰吳正明  
周海清千總周廣林均著從優照守備例把總聶秀  
峯楊泗海唐嗣忠易計扶江上雲李洪勝馮允祥鄒  
本發余萬友龐安仁陳復勝許東亮均著從優照千  
總例外委陳國洪向述謀何秀黃蕭盛材江登漢王

中海蔣得順陳春元蕭文剛熊得勝黃占春謝維翰  
曾和貴均著從優照把總例議卹其餘出力文武兵  
勇及陣亡兵勇著該將軍等查明分別奏請獎卹

同日慶端奏言浦城縣城池被賊占踞日久臣  
飭遊擊戴慶吳等由夕陽嶺一帶直攻浦城一  
面檄飭代理浦城縣張銓慶由漁梁進師夾擊  
七月二十日戴慶吳等督帶兵勇攻至臨江一

帶該匪遽退至夕陽嶺駐紮當調集各鄉練丁  
由小路攻入並督勇由大路衝殺兩路夾擊斃  
賊數十名餘匪遂退至城內當經各兵勇跟踪  
追勦至該縣城邊該逆一面出城燒燬民屋一  
面自開西門繞河竄走當時張銓慶等帶勇由  
漁梁一帶攻來賊匪前後受敵因此逃遁復經  
各勇追殺數十名該縣城池於二十一日申刻

克復閩省軍務已有轉機第現據探報建陽賊  
匪日聚日多水吉一帶亦尙爲賊盤踞建防更  
覺喫重自應力圖水吉建陽二處以杜下竄而  
保郡城臣卽飛飭饒廷選張騰蛟統師由浦入  
閩分兵由潯州迴龍繞出賊前與林向榮等各  
軍圍攻水吉並咨周天受速卽分兵由松溪直  
達建郡會同匡開益等各軍上攻建陽務將該

二處賊匪痛加勦洗並飛飭保泰等督飭各軍  
協同聯甲乘勝跟追力圖恢復以便移師攻取  
邵武崇安各郡縣並令已革遊擊戴慶吳等會  
同代理浦城縣張銓慶妥辦善後搜捕餘匪仍  
飛咨侍郎曾國藩並浙江江西各撫臣一體嚴  
飭文武會勦堵擊以杜竄逸奏入

上諭內閣曰賊踞福建浦城縣經遊擊戴慶吳等分帶

兵勇由夕陽嶺一帶進攻代理知縣張銓慶等由漁  
梁夾擊分路進攻奪獲夕陽嶺要隘克復縣城其建  
陽水吉盤踞之賊仍著督飭帶兵文武迅速殄除毋  
令紛竄出力員弁兵勇聯甲人等著准其擇尤保奏  
同日張芾奏言查徽屬婺源縣隘口紛歧防務  
處處喫緊卽商同署皖南鎮總兵江長貴抽調  
各營兵勇先固內防七月二十八日賊由德興

東犯婺南黃瓜尖嶺兵團迎勦失利適接應之  
師馳至逆賊敗退仍復疊窺邊界皆未深入八  
月初四日忽由德興竄婺境西南一帶卽經團  
練夾擊賊遂向浮梁縣景德鎮遁去又有大股  
賊衆續由德興竄來我軍回援不及賊遂闌入  
婺源幸開化已無賊蹤得移東路之師會合進  
攻連日斃賊甚多總兵李定太復派兵來援迅

國埽蕩乃祁門縣西南各鄉界連浮梁該逆亦  
屢圖內犯雖經兵團堵禦而兵力兼顧爲難德  
興浮梁賊蹤屢集密邇婺祁可以朝發夕至池  
州府屬貴池青陽建德等縣本爲逆匪出沒之  
所崇覺寺防兵抽調過半亦屬萬分喫重若專  
恃江長貴一人調度諸將往來督戰恐有顧此  
失彼之虞因思援閩諸軍已有鎮將數人江西



情形較緊會國藩部下不乏人才且賊鋒所擾  
已在皖南各處探報皆言賊欲竄徽必須熟悉  
情形之得力六員與江長貴分督勁旅攔頭截  
剿方克有濟總兵周天受援浙之時雖因人地  
生疏功過不能相掩而在皖最久地利民情均  
能熟悉可否

飭令該總兵統率所部仍回徽防似較有裨奏入

上命軍機大臣傳諭胡興仁曰徽防萬分喫重該處專恃總兵江長貴一人調度恐有顧此失彼之虞總兵周天受久在皖南情形熟悉著胡興仁卽飭該總兵統率所部兵勇回徽防剿

同日楊能格奏言自糧臺失陷後連日潰散兵勇有由沿江潰下者有由西北山一帶潰下者道路紛歧僅於三汊河揚州等處截留不能扼

要查邵伯爲南北通衢最要關鍵先經德興阿  
照會截令兵勇折回六合臣親自督率委員馳  
赴邵伯分投嚴截無論馬步兵勇均酌給川資  
稟請德興阿派員押令馳回聽候調度以冀重  
整軍威至賊匪圍攻六合現雖尙堪守禦惟賊  
黨衆多設分股東竄則儀揚一帶不堪設想糧  
臺所關綦重臣惟有加意防護以免疏虞奏入

上命軍機大臣傳諭何桂清邵燦庚長楊能格曰賊蹤未遽竄至揚城而人心不免震動恐其紛紛遷徙必致土匪乘機竊發自啟亂萌何桂清著卽派明幹大員馳赴揚州會同藩司楊能格督飭該府縣在城彈壓使居民安堵以靖內患此時德興阿旣未能分兵保護揚郡和春又遠在江南何桂清於常鎮一帶如有可撥之兵卽著酌撥赴揚以資防守並著邵燦庚

長於河潛兩標內撥兵前往協同守禦糧臺已移至  
邵伯著楊能格加意防護

初三日乙亥德興阿奏言臣行至瓜埠聞賊衆圍

攻六合縣城其時臣無一旅之師萬難前進擬  
折回東溝俟潰兵招集再由陸路迎勦詎料六  
合之賊由東門竄至驛鋪橋南岸撥來兵勇二  
千名與之接仗因賊勢過多紛紛退敗富明阿

等帶馬隊接應被賊包裹大半傷亡餘悉奔潰  
鞠殿華身無一兵不能徒手禦敵現在並駐儀  
徵其六合縣城雖經溫紹原扼守並有羅玉斌  
等兵勇而衆寡不敵危急萬分南岸所撥之兵  
三次挫衄此次所餘二三百名已飭馮子材管  
帶過江現復飛咨勝保翁同書迅撥援兵就近  
解圍並防盱眙天長昨據和春來咨江浦之兵

二千七八百名並皆渡江日內亦可到六小店  
之兵亦有冒險出圍刻下派成明赴揚州於萬  
福橋邵伯一帶招集潰兵無論大小將弁均歸  
統帶又派富明阿在儀招集馬隊得有成數卽  
令帶赴六合助剿臣督兵以來惟富明阿等所  
帶馬隊最爲得力今潰散至此尙復何恃惟有  
仰懇

天恩飭派和春張國樑一人渡江爲之統率否則臣支  
持不住必至無所底止如六合不保儀揚實有  
唇齒之患清淮完善之區尤當先事豫防臣已  
飛咨邵燦庚長嚴爲布置再請

飭派大員統兵駐紮清江以過渡黃之路奏入

上命軍機大臣傳諭德興阿翰殷華曰據德興阿奏江  
南官兵三次挫衄六合孤危覽奏曷勝憤悶此時金



陵逆黨時圖衝撲和春張國樑未必能分身北渡已  
諭令撥精兵二千赴援並諭知勝保翁同書令提督  
德安帶兵前往六合協勦並將浙江撤回之西安馬  
隊三百名催赴江北前派去吉林及直隸提標馬隊  
共四百五十名諒已趕到著德興阿瀚殿華一面催  
提各路援兵一面將收集各兵卽交成明統帶會同  
溫紹原羅玉斌等現有兵勇並富明阿招同馬隊實

力堵剿務期力保六合以爲儀揚屏蔽若該縣未能  
固守則江北大局不可收拾清淮一路均難安枕該  
大臣等當勉力督率不可稍形鬆勁和春等添派孔  
朝彪所帶之二千名及江浦存兵二千七八百名旣  
已全師而出併入六合亦著飭令協同攻剿以厚兵  
力

上又命軍機大臣傳諭和春張國樑何桂清曰六合孤

城危急賊燄方張設有疏虞則揚城亦屬可慮實於大局有關和春張國樑圍剿金陵正當喫緊自未能分身前往惟浦營兵勇悉已潰散德興阿等幾無一旅之師亟應厚集援兵方足以資堵禦所有江南派去援兵五千名數不爲少何以一戰卽潰此時收集殘兵僅得二三百名業已渡江南去止有續派遊擊孔朝彪所帶兵二千名不敷援剿著和春等再於大

營抽撥勁旅二千名剋日渡江合成四千之數派得力鎮將統帶前往以保六合冀可重振軍威上海商捐火輪船當此危急之秋得此可助水師之力著該督卽飭迅駛入江並著和春等妥爲調遣以壯南北兩岸聲勢

上又命軍機大臣傳諭勝保翁同書曰德興阿等現已退保儀徵設六合再有挫失則儀揚震動大局可危

德安一軍本由江南赴皖該提督老成歷練堪資臂助著勝保翁同書卽令德安統帶勁旅馳往六合救援並助德興阿等調度毋稍遲緩

德興阿又奏言查賊至六合時總兵羅玉斌帶兵入城與溫紹原死守富明阿帶領馬隊節次血戰護軍統領穆克登額當緩急相倚之際並不接仗帶隊全行東下仍由儀徵退至揚州似

此迴避無能相應請

旨將穆克登額交部嚴加議處以示懲儆奏入

上諭內閣曰賊匪竄撲六合護軍統領穆克登額並不接仗帶隊東下直由儀徵退至揚州實屬畏葸無能著卽革職留營效力以示懲儆

同日駱秉章奏言吉安爲江西劇郡城池堅固儲積充盈自首逆石達開攻陷以來時逾三載

楚師兩次合圍前後百數十戰再歷寒暑始獲  
克此堅城在事文武水陸弁勇實屬殫誠竭力  
不避艱險同知曾國荃等自援吉以來勤慎勇  
往深得軍心謹先行開列請

旨優加獎敘奏入

上諭內閣曰湖南援軍偏紮吉安府城各將士同心協  
力攻克堅城所有尤爲出力之同知曾國荃著以知

府遇缺卽選並賞加道銜道員趙煥聯著賞加按察使銜並賞給該員父母三品封典遊擊成章鑑著以參將儘先選用並賞加副將銜副將劉培元著賞加總兵銜遊擊彭定太著以參將留於湖南補用並賞換花翎守備陶藻著以都司留於湖南遇缺卽補周惠堂著以都司儘先選用並賞換花翎其餘援軍各營員弁勇丁著略秉章擇尤酌保其總兵普承堯等



各軍出力人員仍由耆齡查明保奏

略秉章又奏言兵部郎中左宗棠自咸豐四年  
在臣署幫辦軍務連歲用兵籌辦水師船礮選  
將管帶壯勇聯絡在籍紳士故得以勦除內犯  
之寇而靖鄰省之氛且援鄂援江援粵援黔所  
有山川險要賊情緩急左宗棠瞭如指掌各營  
一切進止機宜皆資其策畫之力是以所向有

功現在江鄂全省肅清粵西克復平樂柳州慶  
遠諸郡黔省克復銅仁松桃等處左宗棠在臣  
署襄辦時閱五年運籌決勝實屬著有微勞臣  
未便聽其掩抑可否請

旨賞加四品卿銜之處出自

天恩奏入

上諭內閣曰湖南在籍兵部郎中左宗棠於籌辦船廠

選將練勇各事宜均能悉心謀畫幫同駱秉章辦理  
連年各路援師所向克捷實屬著有微勞左宗棠著  
賞加四品卿銜

初四日 丙子 勝保奏言粵氛之熾今已八年從前

李開芳等比犯幸賴

天威殄滅其老賊死於是役者居多現在粵逆尙有五  
軍中軍本在金陵未出滋擾左軍近亦調回城

內助守惟僞前軍主將陳玉城暗結後軍李壽  
城右軍李士顯等潛由舒桐襲取廬郡三軍之  
衆加以偏脅入黥爲數已屬不少刻下分屯東  
西葛地方窺伺浦六連營數十里以臣揣度賊  
情金陵首逆尙存陳玉城等必不能棄之弗顧  
其意必欲掠糧皖北由江浦浦口等處奪路過  
江爲逆首援應設縱令南去勢將併力於我爲

害何可勝言若在江北極力堵遏使不能飛越  
天塹而賊數已至十餘萬斷不能就地聚殲恐  
江南未破長圍而皖北先爲禍府查皖北居武  
昌下游當江廣孔道安慶則陷賊日久急切難  
拔舒桐無爲巢縣在賊腹心鳳潁數郡民情驚  
悍易啟亂萌以我兵力大略計之惟江南和春  
一軍爲最厚次則官文全楚之衆德興阿江北

之師較少而與江南聲勢可以相聯至臣營兵力本單輔以募勇鄉團數約一萬有餘臣身親督率尙可力挫兇鋒無如懷鳳臨淮攻剿旣處處喫緊正陽下蔡餉道又節節留防殊形棘手刻因來安告警已分派馬步隊往守又聞浦口有失其地與皖中唇齒相依又爲北竄要路更於無可抽撥之中設法兼籌併力扼截實屬不

數分布現在大江南北及上下游四路皆有統帥勦辦之法卽當四面合攻使賊應接不暇刻因江北之師一挫局勢變更不得不力圖補救臣業已咨商和春飛調南岸各師船偏攻西梁山並於江浦下游斷賊來往援路更請

飭下官文催督都興阿楊載福各軍迅速力攻潛太安慶抽撤東流南岸之兵併集北岸力爭上游而

令李續賓一軍由英霍進兵規取舒桐會合皖軍以牽賊勢臣當激勵將士由北而南設法先復滁州應援東路然後併力廬郡節節進兵或直擣舒桐或分攻巢廬各縣總欲一氣掃蕩使江北早就肅清蓋粵逆恃此兇悍大股爲賊羽翼亟須趁此時會併力以圖此股一除則金陵之檻獸釜魚不難悉數撲滅是此時痛勦江北



正圖克復金陵否則金陵卽使收復而餘孽竄  
併江北勢將另生枝節仍無了期當此軍務萬  
分喫緊之時臣惟有就現有兵力設法籌剿斷  
不敢稍存畏難之見致誤大局奏入

上命軍機大臣傳諭勝保翁同書曰賊勢軍情自以江  
浦等處爲最重該大臣所稱先復滁州應援東路然  
後併力廬郡節節進兵固係先其所急但該大臣督

師懷定之交正以嚴扼捻逆勾連之路未必遂能親  
往赴援昨已諭知該大臣等令提督德安統兵前赴  
六合救援並助德興阿調度卽爲應援東路之師著  
勝保翁同書速爲調撥至潛太一路昨據都興阿奏  
已進克太湖自可漸規舒桐惟都興阿與李續賓馬  
步各軍相爲輔翼勢難抽撤一軍分路進剿前諭官  
文酌分楚軍數千繞赴北路至今未據覆奏俟其覆

奏到時再當察看布置該大臣既統皖北全軍惟當  
與翁同書和衷協力專意進剿未可以兵單餉絀爲  
詞坐令久稽時日也

初五日丁丑官文奏言查皖省東則和滁巢廬西

則舒桐潛望宿太等處皆爲賊踞近復竄陷廬  
州鷗張於定遠一帶而聯接鳳陽又勾結捻匪  
裹脅飢民屯聚於徐宿之間衆至數萬意圖北

竄是皖省北境險要盡失更無可以控扼戰守  
之計惟有於徐宿鳳陽等處力遏北竄相機勦  
擊南北兩路合力攻圍庶可次第撲滅都興阿  
李續賓已於八月十六日攻克太湖臣卽日飛  
飭迅掃潛山逆衆急攻舒城該處距廬州不遠  
卽可與勝保翁同書就近會商或分軍前進或  
合力夾攻由李續賓相機辦理該藩司居心忠

勇用兵嚴謹斷不敢稍有膜視惟皖省石牌安慶一路賊匪甚衆都興阿李續賓之軍不特難分於北路卽援廬州定遠並堵剿石牌安慶之賊亦屬不易臣愚昧之見都興阿李續賓馬步各軍仍由南路進攻潛山舒桐步步進逼兼防石牌安慶之賊不得飛越抄襲後路勝保專援定遠力攻廬州俟都興阿李續賓南路得手迅

卽兩面夾擊庶可盡殄醜類惟北路空虛賊匪  
窮極思遁袁甲三兵力單薄北竄誠爲可慮臣  
擬調兵勇繞到北路協助袁甲三大營先清捻  
匪兼防北路已飛咨署提臣顏朝斌於鄖陽鎮  
挑選精銳兵丁一千名派遊擊張萬祿管帶同  
該遊擊親兵川勇二百名爲頭起由襄入豫繞  
赴淮北袁甲三大營又派駐防蘄州之湖北糧

道唐訓方帶原部勇丁千名並添募南勇二千  
名爲二起亦卽繞路赴袁甲三大營協同勦辦  
擒匪力遏北竄惟調兵募勇尙須時日伏乞

天恩迅飭河南省調集各處防兵先行協助以防爲戰

一俟楚軍繼至卽可併力掃蕩現在江省漸就  
肅清其普承堯劉騰鶴所部楚軍七八千人臣  
已咨者齡卽飭該二軍急赴九江由臣相機分

撥或留劉騰鶴一軍防守九江撤九江李續賓  
舊部仍歸本營以厚兵力其普承堯一軍即可  
由英霍六安進援定遠尤爲迅速軍情變幻靡  
常自當相機隨時布置不敢稍涉大意奏入

上命軍機大臣傳諭官文曰據奏調兵募勇前赴徐宿  
助剿所籌均屬周密北路匪眾由豐沛撲擾東豫復  
回蒙亳賊勢臨張尙未知竄撲何處袁甲三兵力單



薄著官文飭令唐訓方等各統所部迅速前進相機  
助勦勿以調募需時稍稽進發至定遠情形亦極危  
急都興阿等或能卽抵舒城自可與勝保等就近會  
商並著官文咨令妥爲籌辦至普承堯一軍如可由  
英霍赴援更足以分賊勢並著斟酌調派

初六日 戊寅 和春奏言查德興阿全軍失利刻下

抱病尙在儀徵舟次潰散兵勇招集無多逆賊

自竄至六合縣城西南後屢次搭橋渡河溫紹  
原均督兵團擊退而該逆潛渡築營近城肆擾  
內外兵勇僅有富明阿馬步一千餘名馮子材  
二千名本地練勇一千七百餘名統計不及五  
千兵力實難抵禦該逆大股攻撲先被官兵壓  
回馬隊乘勢追擊復因衆寡不敵而退步隊亦  
不能支馮子材所部遂被衝潰賊卽乘勢合圍

至南岸賊匪兇燄大張連日分股出撲均經官兵擊敗回巢八月二十五日該逆復由下關七里洲竄出悍賊三千餘名直撲上元門運糧河南岸總兵張玉良當卽撥隊會同水營都司張潮水陸夾擊親督小隊至觀音門燕子磯一帶高阜安礮設伏联接巴斗山艇師彼此接仗逾時斃匪甚衆七里洲賊營又復傾巢接應繞過

張擺渡直抵燕子磯對岸我軍槍礮連環從高  
嶺下始各收退惟該逆疊次由七里洲內犯蔓  
延十餘里徑抵八卦洲地方該處直接運糧河  
大江設被竄越則已出我上元門各營之背其  
患何可勝言當飭北岸水師總兵陳世忠等各  
撥艇師駐泊七里洲燕子磯江口再於江岸紮  
營四座外加濠牆互爲接應杜其窺我北路則

陸營自固均經張國樑親自履勘辦理查銅井  
逆援蟻聚蠡屯旦夕乘虛內犯其地皆在大營  
西路之後彼處岡巒起伏路徑紛歧今賊勢復  
張外援又衆萬一乘我不備先踞高阜俯瞰我  
營卽有腹背受敵之患擬自石子岡至十行地  
方於橫嶺上添築營牆此處地形險峻可以據  
高臨下分兵紮營駐守以資堵禦不獨西南各

營藉以聯絡卽秣陵溧水等處有警臨時抽調  
應援亦不能測我虛實並由張國樑相度形勢  
親督趕辦至上游桐城安慶之賊盤運米糧火  
藥又於無爲州等處趕造賊船木簞以圖衝撲  
下游師船查浦營旣潰北岸藩籬全失沿江賊  
勢燎原東路自石埠橋以至鎮江金山均屬南  
岸緊要門戶已飭參將黃彬等管駕艇船分泊

石埠橋鎮江一帶會同京口副將鞠耀乾等嚴  
密巡防用昭慎重其高資鎮江皆係南岸陸路  
要口亦須分兵駐守均已密爲部署又查南北  
兩軍夾江而峙本屬休戚相關臣等前聞警報  
三次抽撥兵勇七千渡江原爲保全大局起見  
不料事機潰裂前次援師喪失甚多雖已疊咨  
曾國藩胡興仁等將援浙兵勇全數調回第恐

緩不濟急此開兵力愈單逆氛愈熾現在六合  
被圍必應設法籌援然屢經挫折之後非有得  
力健將統帶重兵七八千馳救斷不能轉危爲  
安所竊冀者六合四面環水兩重其大河雖被  
偷渡聞城濠尙覺寬深彼處民情忠義勇敢候  
補道溫紹原謀略優長官民一心尙可守禦儻  
能竭力支持德興阿收集潰兵就近援應一俟



周天培等勁旅馳回臣再添撥赴援或可以解重圍不至更有他變

和春又奏言頃據溫紹原自圍城稟稱逆匪四面築圍並以木板塞路意在斷我餉道而後進攻城池危在旦夕復據德興阿函稱六合馬隊喪亡過甚管帶之成明等均已退至儀徵該大臣擬卽紮營揚州之萬福橋邵伯等處內顧清

淮仍由西路樸樹灣一帶步步爲營圖援六合  
已飭翼長成明等分任其事馮子材收集無多  
未能應敵飭令仍回江南各等語就目前情形  
而論該大臣扼守儀揚嚴杜北竄果能如此辦  
理似亦尙有挽回之機或不致過於決裂

同日浙江巡撫胡興仁奏言臣接和春何桂清  
先後咨稱逆匪謀犯江浦浦口窺伺六合勢甚

狻猊前經派往援浙兵勇六千餘名內由臣揀  
選三千名徑赴六合防勦等因當卽咨催總兵  
周天培由福建浦城建陽迅速帶領兵勇馳回  
星夜前赴六合助勦總兵周天受已折回江山  
縣經張芾調赴徽州援勦計期早過華埠周天  
培由建陽折回道路較遠誠恐緩不濟急臣接  
鄧紹良鄭魁士咨稱請招募得力勇二三千名

當卽咨明由鄧紹良鄭魁士就近招募二千名  
查甯國兵勇尙有一萬六千九百餘名不爲單  
薄先其所急應令鄭魁士揀選將弁將所招生  
力勇二千名星夜赴六合助剿較爲便捷俟周  
天培赶到再行更替均奏入

上命軍機大臣傳諭和春曰前因浦口大營失陷南岸  
援兵先後潰敗當經諭令和春添派官兵四千名連

前派孔朝彪所帶官兵前往救援本日據該大臣奏  
江北危迫情形未見續派援兵自係尙未接奉前旨  
現在天長儀徵相繼失守江北各屬已有勦不勝勦  
之勢德興阿鞠殿華現擬扼紮萬福橋祇能力顧揚  
州勢不能再援六合而六合堅城中峙經溫紹原等  
激勵練勇保守數年一旦有失則民心愈怯賊匪益  
無忌憚本日復據胡興仁奏稱甯國軍營現募勇二

千名咨明鄭魁士選派將弁帶赴六合鄭魁士能否親往此項新募之勇能否得力均未可定必須有官兵爲之領率始能有濟著和春仍遵前旨速撥官兵二千名協同此項勇丁徑赴六合務使危城得保然後可徐圖進剿此時惟有上保六合下顧揚州爲最要關鍵浙江調回之周天培一軍已諭知胡興仁飭令徑赴揚州隨同德興阿等進剿以爲圖復儀徵之

計該大臣卽飭鄭魁士無論是否親往總以速援六合爲要至江北失事以後金陵賊援益衆雖屢經擊退仍當實力堵剿不可稍存大意

上又命軍機大臣傳諭胡興仁曰援浙之周天培一軍據稱業由該撫咨催由福建馳赴六合助剿惟由建陽折回道路較遠恐其緩不濟急現在天長儀徵亦相繼失陷揚州萬分危急該處爲北路屏蔽並無重

兵扼守著胡興仁卽飛咨周天培帶領兵勇徑赴揚  
州助勦先將郡城保護然後再圖攻復儀徵至所稱  
鄧紹良鄭魁士招募生力勇二千名前赴六合因恐  
新募之勇未經戰陣本日已諭知和春令其添派官  
兵同往鄭魁士能否親往並諭和春酌辦如能將甯  
營舊勇赴調而以新勇留於甯營尤能得力卽著咨  
商鄧紹良等妥速辦理



同日勝保翁同書奏言粵逆陳玉城等大股東竄注意江浦一帶撲陷江浦浦口大營兵勇全潰刻下賊已麕聚六合城外攻圍甚緊儀揚一帶震動臣不意江北之師潰敗決裂遂至於此清江一路南北咽喉又爲皖北軍營東路一綫僅通之餉道設或六合天長再有疏失臣軍必致立形坐困臣營兵勇止有此數前值粵逆竄

至池河親督馬步扼擊幸免北犯現在駐師池  
河已會同臣翁同書飭派副將張得勝等會合  
已革總兵吉順進紮梁園等處相機規取廬城  
其餘兵勇暫紮池河俟收復滁州擬卽督率李  
世忠新附之衆相機進剿乃旬日之內江北變  
局至此因函商臣翁同書一面於定遠池河各  
營設法抽撥一面先派馬隊分起東行由來安

天長一帶視賊所向迎頭兜擊儻能仰仗

大威力能扼截庶幾挽回萬一奏入

上命軍機大臣傳諭勝保翁同書曰江北自浦口失後儀徵天長相繼失守揚州危急勝保等於東路攻勦自覺鞭長莫及現旣派馬隊馳赴天長亦足以分賊勢惟此時六合一縣被圍日久溫紹原素得民心尙能嬰城固守但使此城得保無虞則規復儀徵等處

尙易措手所有勝保等派出馬隊著卽飭令迅速起程前往六合援剿力解城圍總須於有賊之處認真擊剿毋許觀望不前致滋貽誤

同日邵燦庚長奏言臨淮之賊屢次下竄當經同知丁承鈞等在張家溝棗巷溪河等處礮斃四百餘名擊沈賊船數十隻據探賊匪窺伺下游若糾合鳳陽懷遠大股傾巢順流而下我軍

兵勇過單尙須策應盱眙等處深恐力難抵禦  
正在籌議布置閒又據探報六合被圍後天長  
相繼失守賊蹤四出焚掠距蔣壩不遠臣等伏  
思清淮爲北路咽喉淮城地勢低窪臣邵燦派  
副將鶴齡等帶兵防守舊城臣庚長復令居民  
按戶出丁實力團練藉圖防守惟賊踞天長臨  
淮一帶逼近清淮頭頭是道非調兵援應恐有

警報無從措手前有山東官兵派防邵宿等處  
現擒匪竄回雒河老巢情形稍鬆可否仰懇

天恩飭下山東撫臣酌撥精兵二千名兼程來浦由臣

等察看布置以顧大局而杜北竄奏入

上命軍機大臣傳諭邵燦庚長崇恩曰臨淮之賊旣思  
下竄浦營失陷後六合被圍天長儀徵相繼失守該  
處距蔣壩高寶甚近防不勝防邵燦派副將鶴齡等

帶兵擇要設防扼守淮安舊城並庚長所籌團練等  
事布置均尙周妥清淮爲北路咽喉關係至重亟須  
以重兵堵剿方免震動全局著崇恩迅撥精兵一二  
千名派得力將弁管帶馳赴清江交邵燦等酌量調  
遣以固北路藩籬

同日楊能格奏言查賊匪於八月二十八日分  
竄儀徵縣城失守自儀徵至揚城一帶並無重

兵防堵揚郡危在旦夕而裏下河爲江北糧臺  
命脈所關萬福橋實裏下河之保障先經臣招  
集潰兵由德興阿派員管帶駐紮以遏下竄之  
路惟無大員統攝誠恐軍心不固萬一再有疏  
虞則清淮必至震動臣函商鞠殿華迅速前赴  
萬福橋妥爲調度能否力扼兇鋒尙無把握至  
糧臺關繫甚重臣督飭委員將軍火一切分移



三  
裏下河一帶以資保護奏入

上命軍機大臣傳諭德興阿鞠殿華楊能格曰儀徵失  
守揚郡萬分危急當此賊勢猖獗德興阿等自應以  
力保揚州爲要務本日已諭知胡興仁將浙江調回  
之總兵周天培一軍飭令徑赴揚州藉資防剿必須  
揚州得保無虞乃可徐圖克復儀徵等處德興阿等  
收集潰兵現有若干是否能成一軍亟應先行扼定

險要以爲立腳之地總兵毛三元前在三汊河駐紮  
係屬揚州下游該員素稱善戰諒此軍尙未潰散德  
興阿自應調赴前敵以遏兇鋒較之收集潰兵當爲  
得力其糧臺軍火旣經楊能格分移裏下河一帶著  
卽添造軍械妥爲保護以資接濟

同日楊載福奏言東流克復後臣派水師在該  
處巡防池州匪衆時於江干往來窺伺七月二

十四日賊衆千餘來撲營船都司朱美富指揮  
各勇開放槍礮立斃衝鋒賊數十名餘衆遁去  
臣慮該匪大股踵至因加派守備陳鴻盛戰船  
赴該縣官橋地方防堵都司彭楚漢戰船往紮  
北門湖內護衛城垣八月初九日僞隨天豫等  
率賊衆數千蠶擁而來朱美富等各率隊登岸  
至向公墩該匪前隊已到我軍奮勇迎擊斃賊

多名當將前隊殺退忽後隊之賊分爲數股包抄我軍力戰多時始至長安鋪一帶紮駐臣復抽調副將劉連升陸勇四百人來東流駐紮賊見我軍無懈可擊始行潛遁該匪圖竄東流牽掣東下之師阻我轉餉之路水師離舟登岸與賊交鋒究非所宜現惟嚴飭各將領固守江干毋或輕動必須會合陸軍方可併力勦洗所有

此次打仗並從前攻克九江等處陣亡各員弁  
應請

旨飭部議卹奏入

上諭內閣曰安徽東流縣克復後賊匪屢來窺伺均被  
擊退八月初九日賊衆數千鏖擁前來我軍奮勇迎  
擊賊忽分股包抄官軍力戰多時楊載福分兵駐守  
賊始遁去所有陣亡之千總王永發張占元把總陳

文彬鄧春廷並攻克九江陣亡之外委郭仁風翟文德攻打安慶陣亡之千總歐陽春外委鄧義和李良才均著該部照例議卹

同日李定太奏言逆匪自華埠敗潰餘匪竄往白沙關一帶臣慮其擾及婺源檄催援浙遊擊夏寶慶等迅卽赴徽並先經調派之參將和順等由遂安馳赴徽防聽候張芾調遣續據張芾

來函敗匪麕聚德興於黃瓜尖嶺築卡窺伺婺  
城疊經在防兵勇擊退八月初八日復由海口  
進偪婺城臣卽飛調駐守開化之參將文瑞統  
帶兵勇二千餘名由大鏞嶺前進駐守華埠之  
副將朱承先等帶勇由沙關前進會同婺防官  
軍夾擊遊擊萬泰率九江等營移紮華埠以爲  
後路聲援適總兵周天受自浦城回顧浙江行

抵江山臣卽咨會就近取道赴婺督率諸將迅  
拔婺城正在分撥間接據江省各路探報邵武  
賊匪突入鎮牛關由瀘溪竄至金谿鄧家埠於  
貴弋交界之界牌灘偷渡復從下游回踞安仁  
曾國藩會師河口正擬由鉛山直擣崇安因改  
道回駐弋陽派卽選道張運蘭統率所部馳抵  
安仁分兩路堵剿又據江西撫臣耆齡咨稱德



興巨股賊匪於初五日竄至景德鎮之裏村地方我軍衆寡不敵先勝後挫饒防喫緊調回參將文瑞遊擊萬泰所部由廣信馳赴饒州會剿臣因參將文瑞援剿婺源正值攻剿喫緊之時遽難議撤當飭遊擊萬泰先率所部由華埠拔營馳赴其文瑞一軍俟婺源得手後徑由德興馳赴仍恐兵力不厚於防兵內挑勇一千名會

同萬泰兼程至饒州之景德鎮與在境兵勇實力勦洗並與張運蘭遙爲聲應當可迅就殲除惟探聞石逆尙在建甯邵武交界地方此擊彼竄飄忽靡常江常各處同竄堪虞在防兵勇除先後調往婺源饒州兩處及分投扼隘外存營僅二千餘人實屬不敷調布查浦城現已肅清總兵周天培帶三千餘人自水吉進攻建陽而

至建甯總兵饒廷選等所部共三千七百人亦  
已行抵浦城則在彼駐守之副將李嘉萬固原  
兵五百名遊擊黃金友功勇一千六百名自可  
移緩就急業飭李嘉萬帶同所部並抽撥守備  
劉長培管帶固勇五百名扼紮華埠黃金友率  
同所部防勇並抽撥守備田宗升帶領正勇五  
百名扼守江山其開化亦未便空虛已調知縣

陳炳元管帶寶勝勇一千名前往駐紮臣惟有  
仰遵

聖訓策應諸軍嚴扼防堵以副綏靖邊陲之至意奏入  
報

聞